



Peter Olsen
Inatsisartunut ilaasortaq
Inuit Ataqtigiit

§ 37 naapertorlugu apeqqummut akissut (2018-334) pineqartoq meeqqanut qimarnguimmik pilersitsinermi aningaasartuutit

Asasara Peter Olsen,

Aallarniutigalugu akineqarnerit taama kingusitsigimmat ajuusaarutigaa.

Apeqqutinut saqqummiunneqartunut akissutigisakka kinguliani allassimapput.

25-01-2019
Suliap nr. 2019 - 1370
Akt. id. 9828521

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
E-mail: iian@nanoq.gl
www.naalakkersuisut.gl

1. Meeqqanut inuusuttunullu sumiginnagaasunut qimarnguiusinnaasunik illoqarfinni Nuummi, Tasiilami, Sisimiuni, Aasianni Qaqortumilu sisamangornermit nal. 20:00-imit sapaammi ullaakkut 08:00-ip tungaanut ammasartussanik Naalakkersuisut kommunit suleqatigalugit pilersaaruteqarnerpat?

Naamik, nunatsinni kommunini meeqqanut inuusuttunullu sumiginnakkanut "qimarnguinnik" pilersitsinissamik Naalakkersuisut pilersaaruteqanngillat. Najukkami neqerooruteqartoqalersinnaanera pillugu naliliinissaq kommunip ingerlatassaraa.

2. Illoqarfinni qulaani pineqartuni tallimaasuni, illoqarfimmi ataatsimi "qimarnguimmi" sulisunik pingasunik, katillugulu 15-inik atorfinnik sisamangornermit arfininngornermut nal. 20.00-ip 08.00-illu akornanni pilersitsisoqassagaluarpat, tamanna nunatta karsianut qanoq naleqassava? Ulluunerani paaqqinnittarfinni paarsisunut aamma perorsaasunut akit atuuttut malillugit tamanna naatsorsorneqartarpoq.

Naatsorsuineq ingerlanneqarnikuunngilaq, tassa kommunip pilersikkumasinnaasaanut neqeroorummumt nassuiaat aalajangersimanerusoq kiisalu sanaartornissamut ingerlatsinissamullu atatillugu kommunip nunatta karsianut qinnuteqaatigiumaagaa aallaavigalugit naatsorsuusiorneq pisarmat.

3. Illoqarfinni qulaani pineqartuni tallimaasuni meeqqat unnuakkut eqqissiviillortinneqartartut qimarnguissaattut meeqqeriviit – fritidsklubbilluunniit sisamangornermit arfininngornermut unnuakkut 20.00-mit ullaakkut 08.00-ip tungaanut ammatinneqartalissagaluarpata tamanna nunatta karsianut qanoq naleqassava?

§ 37 naapertorlugu apeqummut nr. 2018-010-mi apeqummut 3-mut akissuteqaat
innersuussutigineqassaaq.

Inussiarnersumik inuulluaqqusillunga



Martha Abelsen